

Transkript sa konferencije za medije međunarodnih organizacija

OHR, Oleg Milišić

OSCE, Aida Bešić

EUFOR, Tom Ryall

NATO, Derek Chappell

OHR

OHR reagira na sjednicu Predsjedništva SDS-a

Na izvanrednoj sjednici Predsjedništva SDS-a, međunarodnoj zajednici je predloženo da ponovno razmotri svoje stajalište.

Međutim, SDS je sam odgovoran za finansijske probleme sa kojima se suočava.

Dozvolite mi da vas podsjetim na razloge za donošenje Odluke visokog predstavnika od 30. juna 2004. godine kojom se zahtijeva da se svaka finansijska transakcija obavlja preko odobrenog jedinstvenog bankovnog računa. To je urađeno zbog toga što nisu postojali dovoljni mehanizmi za spriječavanje zloupotrebe sredstava SDS -a i njihovo korištenje u svrhu pružanja pomoći osobama optuženim za ratne zločine, kao i njihovim mrežama podrške.

Uprkos veoma ozbiljnim razlozima za donošenje Odluke od 30. juna, u okviru nedavno provedene istrage u podružnici SDS-a u Doboju ustanovljeno je da je ova odluka prekršena u više navrata.

Iz tog razloga, visoki predstavnik je proširio pomenuto ograničenje zatraživši da se sve finansijske transakcije SDS-

a, bez obzira na njihovu vrijednost, obavljaju preko jedinstvenog centralnog računa SDS-a.

Osim toga, sam SDS je ponovno otvorio pitanje isplate kredita Privredne banke Istočno Sarajevo.

Privremeni upravitelj Privredne banke Istočno Sarajevo je ustanovio da je SDS uzeo oko 1,6 miliona KM od ove banke preko fiktivnih firmi u 1998. godini. Privremeni upravitelj je zatražio da se sva sredstva SDS-a zamrznu kako bi se osiguralo da SDS vrati kredit, i kako bi ulagači dobili natrag svoj novac. Privremeni upravitelj ima zakonsku obavezu da vrati novac ulagačima.

Privremeni upravitelj sada pokušava da izvrši povrat ovih sredstava kako bi se ona mogla vratiti ulagačima. Ulagaci, među kojima se nalaze Fond za stambena pitanja Republike Srpske, grad Bijeljina, Fond za zapošljavanje i Dom za siročad u Bijeljini, zastupaju interese nekih od socijalno najugroženijih kategorija u Republici Srpskoj.

Ono što SDS zapravo traži je da bude oslobođen vraćanja novca koji duguje ovim ulagačima!

OSCE

Predsjedavajući OSCE-a u posjeti Bosni i Hercegovini

Predsjedavajući OSCE-a, Ministar inozemnih poslova Slovenije, Dimitrij Rupel, je danas u posjeti Bosni i Hercegovini.

Ministar Rupel će se susresti sa članovima Predsjedništva BiH, Ivom Mirom Joviće, Sulejmanom Tihićem i Borislavom Paravcem, ministrom inozemnih poslova, Mladenom Ivanićem, predstavnicima Vijeća ministara i Visokom predstavnikom, lordom Paddy Ashdownom.

Posjeta Predsjedavajućeg je usmjerena na nastavak saradnje

između OSCE-a i Bosne i Hercegovine. Ministar Rupel se raduje otvorenoj razmjeni mišljenja o situaciji u Bosni i Hercegovini, kao i u čitavom regionu Jugoistočne Evrope.

Mediji mogu biti prisutni u dva navrata, jednom u 11:45, nakon sastanka s ministrom Ivanićem, i drugi put u 16:15, nakon sastanka sa Vijećem ministara. Ministarstvo inozemnih poslova i Vijeće ministara će pružiti više informacija o ovome.

Pokretanje Beacon sheme u Bosni i Hercegovini

Misija OSCE-a u Bosni i Hercegovini i Vijeće Evrope, u saradnji sa Udruženjem građana i općina FBiH i Udruženjem gradova i opština RS-a, pokreće Beacon shemu u srijedu, 28. septembra, u 11.00 sati, u Biznis centru Dnevnog avaza, na 13. spratu u Sarajevu.

BiH Beacon shema je osmišljena tako da podigne standarde u radu općina, putem valorizacije uspjeha i pružanja podrške u širenju najboljih iskustava iz prakse.

Mihailo Jovanović, zamjenik Načelnika Brčko distrikta i Predsjedavajući Upravne grupe za nadgledanje i implementaciju Beacon sheme će održati uvodni govor. Nakon njega, uvodne govore će održati i ambasador Douglas Davidson, šef Misije OSCE-a u BiH, Tim Cartwright, specijalni izaslanik Generalnog sekretara Evrope u BiH, ambasador Matthew Rycroft, ambasador Velike Britanije u BiH i Didier Chassot, Charge d’Affaires, u ambasadi Švicarske u BiH.

Nakon govora, Ajay Jagatia, šef Beacon sheme u Velikoj Britaniji, pri Uredu zamjenika Premijera, će dati uvod u Beacon shemu u Velikoj Britaniji, nakon čega će uslijediti prezentacije članova Savjetodavnog vijeća Beacon sheme.

Bit će dvije prilike za medije:

- 11:00 – 12:00 Uvodni govori
- 12:45 Konferencija za medije, prilika za

postavljanje pitanja

Udruženje gradova i općina FBiH i Savez gradova i opština RS implementiraju shemu, u saradnji s Misijom OSCE-a u BiH i Vijećem Evrope, uz finansijsku podršku vlada Velike Britanije i Švicarske.

Svi novinari koji žele propratiti ovaj događaj su pozvani. Novinari će moći prisustvovati prezentaciji, ali, u ovisnosti od njihovog rasporeda, također mogu biti prisutni i samo na nekoj od dvije prilike za medije.

EUFOR

Lokalna policija nedavno je izvela niz operacija u i oko Sarajeva, u kojima je na njen zahtjev učestvovao i EUFOR, dajući svojim prisustvom sigurnosnu podršku za ove operacije. Operacije su bile planirane od strane lokalne policije, a uloga vojnika EUFOR-a raspoređenih tokom tih operacija je bila davanje bezbjednosne podrške pripadnicima lokalne policije, u skladu sa situacijom na terenu.

Operacije su bile usmjerene protiv mreže organizovanog kriminala u BiH, i one su pokazale postojanje dobre suradnje između lokalne policije i EUFOR-a, koji je uvijek spreman pružiti podršku lokalnim vlastima u borbi protiv organiziranog kriminala.

NATO

Prevod nije dostupan.

Pitanja novinara:

Nedim Dervisbegovic, REUTERS:

Produženje odluke o finansijskim pitanjima, tačnije SDS finansijskim pitanjima i transakcijama, podudara se sa neuspjehom pregovora o reformi policije. Možete li napraviti razliku između to dvoje? Da li ovaj posljednji potez Visokog predstavnika, od prošlog vikenda, sugerira da će on sada početi vršiti veći pritisak na SDS na ovaj način?

OHR:

Smatram da možemo biti poprilično jasni o posljedicama SDS - ovog nepoštivanja svojih obaveza što se tiče onog što se dešava u Doboju, međutim također mislim da moramo napraviti razliku između toga i posljedica toga što se ne kreće naprijed sa reformom policije. Rekao bi da to dvoje nisu usko povezani.

Može se sa sigurnošću reći da je sada politika netolerancije na snazi. Realnost odbijanja reforme policije podrazumijeva da neće biti pregovara o Sporazumu o stabilizaciji i pridruživanju, niti napredovanja prema Evropi. To znači izolaciju i da neće biti stranih ulaganja i EU planova za razvoj. To znači da će se u osnovi situacija samo pogoršati, doći će do povećanja nezaposlenosti, siromaštva i biti će još manje novca za penzionere. Mislim da su demonstracije koje ste mogli vidjeti u RS jučer samo nagovještaj onog što slijedi ako se ne započnu pregovori o Sporazumu o stabilizaciji i pridruživanju. To što se dešava u Doboju je očito povezano sa, kao što to same odluke i pokazuju, nepoštivanjem ranijih odluka Visokog predstavnika u vezi sa saradnjom sa Međunarodnim tribunalom za ratne zločine u Hagu.

Nedim Dervisbegovic, REUTERS:

Otkada je ta politika na snazi?

OHR:

Više ili manje od onog trenutka kada ju je objavio Visoki predstavnik na konferenciji za medije, ako se možete sjetiti,

prošle sedmice.

Tarik Lazović, VIP:

Pitanje za OHR. SDS je također danas najavio traženje mogućnosti za podizanje tužbe protiv Visokog predstavnika Paddy-a Ashdown-a. Komentar?

OHR:

Mi u OHR apsolutno smatramo da su naše odluke u skladu sa Dejtonskim mirovnim sporazumom. I to bi bilo to.

Sinan Šarić, Federalna televizija:

Molim vas, hoćete li nam konkretno reći šta znači ova politika, odnosno koje će konkretne mjere Visoki predstavnik poduzeti s obzirom na to da kako se u saopštenju za javnost SDS -a navodi, da se radi o kampanji OHR-a protiv SDS -a, što će proizvesti da oni neće učestvovati u parlamentarnoj većini? Znači, moguće su i neke šire eksplikacije ove akcije OHR-a. Šta je to konkretno što bi OHR trebao poduzeti u narednim danima? To je prvo pitanje, a drugo nakon ovog odgovora, može?

OHR:

Preporučio bi vam da se vratite na izjavu koju sam dao na početku, ali mislim vi ste otvorili još jedno pitanje, ono što je došlo iz izjava SDS -a nakon jučerašnjeg sastanka. Mislim, što se toga tiče, mislim da je na njih da razjasne točno što su oni tu mislili, no generalno rečeno ako bilo koja vladajuća stranka odluči da napravi ili odluči da ukine mogućnosti vladanja u bilo kojoj državi, to onda naravno ima određene posljedice, u bilo kojoj državi, i znači i nove izbore.

Sinan Šarić, Federalna televizija:

Hoćete li nam reći koje su to konkretne akcije OHR-a, koje namjeravate?

OHR:

Znate da Ured visokog predstavnika neće špekulirati što se tiče narednih poteza.

Sinan Šarić, Federalna Televizija:

Ja se kolegama izvinjavam, ako može još jedno pitanje? Vezano za pitanje revidiranja Dejtonskog ustava u Bosni i Hercegovini, odnosno eventualni pregovori. Možete li prokomentarisati stav Visokog predstavnika koji je eksplicitan da kada se bude razgovaralo, eventualno razgovaralo o promijeni ustava da se neće ni u kom slučaju razgovarati o eventualnom ukidanju Republike Srpske, što opet proizvodi stav HDZ-a da će razgovarati o trećem entitetu sedmog oktobra? Zbog čega je tako eksplicitan stav OHR-a kada je riječ o eventualnom ukidanju Republike Srpske prilikom razgovora, naravno, o promijeni ustava?

OHR:

Mislim, interesantno je vi ste sada meni dali stav OHR-a, a ja bih vama sad dao stav OHR-a, a to jeste da je to pitanje promijene ustava pitanje za domaće institucije.

Fedzad Forto, FENA:

Jedno pitanje za Olega i za OSCE, i jedno pitanje za EUFOR. Čudi me pasivnost OHR-a i OSCE-a povodom ovih događaja vezano za početak školske godine. Imamo situaciju da u Prozoru demonstriraju roditelji, neće da im se učenici podvajaju. U Busovači je situacija da Bošnjačka djeca neće u školu. U Stocu postoje stranački dogovori da se formiraju dvije odvojene škole. Mislim, šta poduzimate posebno s obzirom koliko ste uložili u reformu školstva, pogotovo OSCE u posljednje dvije tri godine.

A za EUFOR, bi samo molio da li raspolazete nekim konkretnim podacima o toj akciji u Sarajevu protiv organiziranog

kriminala? Šta je konkretno pronađeno što bi bilo od koristi u borbi protiv organiziranog kriminala?

OSCE:

Evo ja ću odgovoriti na pitanje upućeno za OSCE i vezano za obrazovanje. Ono što je činjenica jeste da su Ministri obrazovanja preuzeli na sebe obavezu provedbe reforme obrazovanja i oni su to dužni implementirati. Što više odugovlače to je više patnja, naročito za djecu. Znači, ono što bih ja istaknula jeste da moraju se svi prestati kriti iza OSCE-a i iza međunarodne zajednice, jer su djeca ta koja najviše pate. Trebalo bi nešto učiniti vezano za to, znači provesti i implementirati reforme obrazovanja.

OHR:

Što se tiče OHR-a, kao što znate OSCE vodi u pitanju obrazovanja, a mi apsolutno podržavamo njihove napore i smatramo da interese samih roditelja i djece se mora maksimalizirati u ovom pitanju

Fedzad Forto, FENA:

Ovdje se radi o flagrantnom kršenju nekoliko zakona, najprije zakona o obrazovanju koji predviđa u najmanjem stupnju dvije škole pod istim krovom. I druga stvar radi se o kršenju ustava BiH i Evropske povelje o ljudskim pravima protiv segregacije. Navesti ću jedan primjer segregacije, imamo hrvatsku biologiju, bošnjačku biologiju. Imamo hrvatsku matematiku, bošnjačku matematiku. Meni stvarno nije jasno zašto se ne angažujete jače i ne ispravite ova očigledna kršenja i zakona i ustava, pogotovo OHR – kada intervenišete i za puno blaže stvari?

OSCE:

Kao što sam već rekla ministri obrazovanja, znači preuzeli su na sebe obavezu provedbe ove reforme, koja nije bila nametnuta

od međunarodne zajednice, tako da se od njih očekuje da provedu reformu obrazovanja, bez ikakvih problema.

OHR:

Stvarno nemam šta dodati na ovaj odgovor.

EUFOR:

U odgovoru na pitanje o operacijama. Te operacije, kao što sam prethodno već rekao, izvela je lokalna policija. Oni su planirali i izveli te operacije. EUFOR je samo prisustvovao tim operacijama na njihov zahtjev radi davanja podrške u slučaju potrebe. Ispostavilo se da pomoć EUFOR-a nije bila potrebna. Te ako vas zanimaju rezultati te konkretne operacije morati će te se direktno obratiti lokalnoj policiji i njihovom glasnogovorniku kako bi ste saznali šta su pronašli i šta su rezultati.